

四庫全書

集部

欽定四庫全書

御製詩三集卷三十八

古今體一百四十三首

甲申四

三月朔日齋居對雨

鼎新

古帝廟落成莫之春先二日致齋是為中祭倫怵惕念  
代興惟

天詎由人厥德苟匪常難諶命亦淪遷居弗遑安思艱

圖易民甘膏邇屢霑潤利耕畝即慮後難繼敢曰稔  
可臻處順益屏營庶幾承

澤頻

靜怡軒雨中題句

靜者動之復怡者憂之對先憂詎可忘時動乃無悔

叶

後既未盡屏前亦難兼佩靜怡豈不佳有志而未逮春  
夏多園居齋必返宮內邇來實厚幸膏霽頻蒙賚庭梅  
香已放宮樹蕊全漑縑彼隴畝間興言事耕耒是吾所

由豫詎在崇軒繪

賦得不為物先

持後如觀影不先敢傲身時乘乾用九佳與物皆春柱  
史頌三寶寺卿箴八珍勞謙曰君子知足乃賢人却匪  
藏機械惟應博訪詢樸敦漢文帝又以示臨民

重修

厯代帝王廟告成既奉

神御復位爰以春祭恭臨式瞻實枚用申誠肅

三皇

五帝道功崇

歷代君王懋建中雖是乘除撫人世莫非兢業代

天工由來觀德視

遷廟用以陳年新

闕宮更憶戴黃教易瓦

舊制以新葺

廟瓦皆甃用純綠茲正殿易蓋黃瓦

載

聞刻羽發調桐考經

聖祖加之位

康熙六十一年代帝王廟位守成列

皇祖考定祀典

敬法

世宗祀以躬

春季

皇考於雍正二年

親詣行禮

樂亮禮章溯古制

牲蠲幣量冀

神通落成莅止攄誠恪歲祀虛徐仰

顯融周監在殷殷監夏難諶益切惕予衷

倚虹堂放舟

景德歲崇祀

歷代帝王廟正殿  
曰景德崇聖之殿

鳴鑾出鳳城溪堂倚橋

側春水進舟平漲影層含砌漪文倒漾楹纜牽迴望處

隄柳翠煙橫

長河泛舟至樂善園

柳綠桃紅濯雨餘  
長河今歲此方初  
名園問路鏡中是  
春水坐船天上如  
暗竇明亭皆好在  
香甌淨研偶相於

重華宮裏書堂似

予青宮書堂亦以是名之

兩字名言竅起予

蘊真堂小坐得句

一年中到園不過兩三度  
到園坐堂中暖席曾幾遇  
以其臨長河荒顙為整足  
是予之好去聲事非予之美處  
堂自蘊其真漠然無來去

含清齋

水齋有書齋新蕪綠到階往來堪憩步經史足怡懷不  
繫情而去惟留靜與皆鳴榔溪幾轉煙外望高槐

舟過萬壽寺未入遂由繡漪橋至昆明湖沿水路  
攬景襍詠得詩六首

片刻徘徊樂善園進舟仍復溯長源麥剛茁隴新膏潤  
稻未栽塍宿水存

廣源閘隔水高低易舫之間屨步隄萬壽寺纔離半里



揚帆姑且置招提

麥莊橋過接長春兩岸輕煙冒柳新石壩金河洩餘水

石壩在繡漪橋南

以洩金河餘水

天然洪澤那堪倫

洪澤天然五壩此不過畧仿其意然

自前歲南巡定清口之制連年水並未過五壩下河受益實有明效

壩外湖心亭好在乍因綴景憶西湖曾經一到常空過  
似此何須構築乎

繡漪月漾忽當頭綠柳紅桃四面稠寒食明朝兼上巳  
豈能分日作遨遊

陸緯入湖易水緯湖光上下漾天光小船軋軋鳴榔處  
不辨吳邨與越鄉

遣懷

春澤優且渥厯年實無比百穀皆可耕二麥卜北美忽  
繾關以外牧場不利爾即今雨後寒內地尚若是居庸  
北高巖遙見積素矣孳育馬牛羊蒙古生計恃雪冷虞  
為灾彼亦吾赤子既而自解云凡事戒長此且如西北  
界闢疆二萬里亦胥勤耕牧又寧當異視普天均適願

自古無其理，咄哉語又失。此責將誰諉？多願故多愁。是  
吾乃所以。

詠古蒼玉璧

瑞玉何代此垂棘？其肉倍好章辨國。粟非多穀蟠螭節，  
千年幽伏土華蝕。復出全泯琢刻迹，英氣內葆璘璘擘。  
榮光旁魄恒四塞，黃衣綠裏標正色。衛國風人刺弗得，  
詠人形蔑六韻。

本草：蔓受地氣之精，年久者根如人形。此蔓正似。

之又世人以漫為貴物能滋補然錯用致禍者亦復不少故未及之

五葉三極長白珍年深形肖竟何因太原土貢今焉是  
上黨沙生寧有真具體幾曾五官具陳筐徒訝四支陳  
雖緣滋補稱延命頗見輕投致喪身大約佐饗圖利益  
遂忘剗肉值艱屯草莖誰悟文殊語能活人還能殺人  
上巳日萬壽山

今日三月三古政用上巳或疑紀干舛殊不思甲子名

從人所命月建小大徙輪值屬偶然何不可爾爾禊事  
雖弗脩禊朝那能已艷裔萬壽山淡沲昆明水寒食復  
茲辰翼日適  
值清明韶光真萃美華林寧足稱蘭亭奚必擬却  
憶記中言後今昔由視

翠籟亭

色聲極靜真聲色小坐渾如對古初人世禊朝絲與竹  
應教謾謾掃無餘

題墨妙軒

碧溪一帶鎖嵌崟，逕入文軒翰墨林。  
四壁茗華閱今古，三希倒薤藉追尋。  
煙雲舒卷為同異，情性剛柔在酌斟。  
數典更欣過庭論，孫虔禮書譜摹入三希堂法帖其所書景福殿賦及千字文並刻石此軒  
懸針竟爾度金針。

寄瀾亭

湖上構亭號寄瀾，虛明月榭漾風紈。  
亭瀾畢竟誰為寄，妙趣當前合靜觀。

景明樓

萬頃碧漪淪來遊正楔辰隄花紅入鏡岸芷綠拖紳魚  
躍猶矜浦鳧翔不避人巴陵滕太守又是一年春

霽清軒

春月居然喜霽清可知春雨稱人情田功此後時方遠  
敢作侈談祇屏營

清明

三月初  
四日

百六依依特可人輕陰細雨潤含顰花如有意開顏乍  
月即無情露影新今歲絕勝往歲節三分却判二分春

胃中本自非惆悵也覺司勳句寂神

夜雨

三月初四日  
是日清明

夜雨霰霰聞枕上春膏似此未前聞豈辭多矣常情驗  
真覺時哉澤物勤耕父已將興屢屢行人且免歎紛紛

農占並叶清明吉

田家有雨灑清明  
一定收成之語

片晌無眠意亦欣

曉晴

夜雨偏欣曉報晴芳園昨纔

去聲

度清明花枝高下皆垂

露鳥語悠揚似奏笙那戀再霑緣澤渥正思時霽為

去聲



春耕倚楹迴異常年況了識曾無定者情

含韻齋玉蘭花四首

遠疑玉塔色氤氲近似梅檀香  
蕊芬恠底花中稱木筆  
由來通體不勝文

清明好雨潤羣芳邂逅仙人白玉堂  
占得世間風韻獨  
笑他潘令詡河陽

氣清天朗莫之春正是蘭亭脩楔辰  
王謝羸他方子弟  
未成詩者也多人

飄姚春雨復春煙  
擢穎流芳秀且娟  
李白桃紅任批判  
不孤韶景是今年

深柳讀書堂

老屋清溪上年深  
柳更深

讀書趣緬昔聞禮戚  
猶今悟性同湍水鋪  
庭閱惜陰瞳  
乎祇蒿目黯爾總驚心

題滌霞樓

屋不丹青喜樸清  
何來淺絳滌飛甍  
徐因天末馳晞遠

翻得霞光靚面迎夏沼荷花休假藉秋林楓葉漫鮮明  
無須更讀興公賦縮地居然此赤城

山西巡撫和其衷奏報得雨

山左膏連山右渥更均同日沐恩覃

先是東撫崔應階奏二月十九二十

等日得雨霑足與

山西時日並同

心遲豫省佳音到分付郵筒速問探

河南與山左右鄰並而阿思哈二月中旬報到尚係正

月初二月初先得雪雨情形此番甘膏普渥招猶未至

因傳旨

詢問之

夜雨

三月初八日

徹夜雨連纖不眠正不嫌無聲遙想色已潤易為霑斜  
灑窓還隔微寒被擬兼春膏優且渥欣對敬猶添

雨中德勝門外

潤浥芳圻曉未晴高原下隰總新耕無閒心問花和柳  
也愛濛濛畫裏行

不似迤西有石衢輕輿未免跋泥塗僕臣今日教行賞  
為溥春恩與衆娛

漠漠輕陰欲放暉因風還送細絲飛分明記得江南景

北地春郊似此稀

賜奠大學士來保輒復成詩

一世篤勤行

三朝禁近臣老成惜多謝

去歲大學士史貽直梁詩正來半年相繼而歿

厚重

有誰倫那問生由命因知壽底真

來保壽至八十四歲

且看市鄴

上應有輟春人

晴

好雨午方晴氣和景益清無心惜雲去有意喜風輕御

柳低垂潤宮花仰向榮  
藉田將舉趾慰敬倍常情

豐澤園演耕作

豐澤真豐澤端因習禮臨  
塹無千畝遠潤過一犁深往

歲逢曾罕三農喜不禁  
迴思播種日

雍正年間  
考演耕於此

每隨

播種  
重穡

教垂今

春耦齋

試耕餘暇臨春耦  
綈几湘屏足靜怡  
慙愧胼胝力作者

茅檐終歲少閒時

淑清院

淑清信何地光潤是今朝雨過花增色春深樹密條到  
疑三島上坐可列仙招將謂晴無礙山雲又建標

雲繪樓放歌

試問雲中君江毫攜得無君荅曰不藉自有神工乎輕噴  
細灑皆玉珠興犁舉耜歌農夫餘事乃至花與木妙色麗  
潤非青朱是謂斯樓繪事突藝苑寧須艷數米家鶻突圖

庭梅四聲四首

有序

北地無梅有之亦盆植耳十數年前命於靜怡軒  
庭中植梅二株冬時設旃棚護之今已成樹加之  
好雨頻霑放英特盛茲以有事藉田還宮齋宿撫  
眄庭萼方馥韻於簾纖煙靄間不啻鄧尉孤山泛  
光風而對香雪矣爰仿嚴美四聲體得詩四首以  
極梅之能事非徒矜摘藻之工云耳

平聲



宮梅真宮梅雙株榮庭前今春誠欣逢時霖頻輕湔水  
心芬溟濛珠頻輝蠶蛭憑軒觀芳華常疑籠非煙

右雨梅

平上聲

春宵於何佳動影有種種新蟾延徘徊古本豈擁腫舒  
苞臨瑤階啓蕊藐野壘虛無輕盈間那可以手捧

右月梅

平去聲

吹開還須風搖颺送秀韻香從叢中來籟自竅際聞朝  
妍披繁英暮度遞淡暈誠如云雌雄向宋對致問

右風梅

平入聲

冬時雖無花不得或缺說氍毹緣禁寒玉城適積雪融  
香心先期挹潔骨欲徹徐康還觀書隔壁獨鬱悅

右雪梅

耕藉日祭

先農壇

耕耜率先民勤農致敬

神古初定春孟後世卜佳辰土潤雷時雨  
染馨叶夏鈞  
天恩今歲渥虔輦益增寅

耕耜禾詞四首

王藉當春舉趾臨生香紺耦發腴沈重農本意惟勤  
豈繫耕牛配納音

由來穡典重為君底事千秋稱漢文為有哀矜惻怛意

行知願即勵尊聞

土潤今年沃壤滋塋場不待大脩治觀耕臺畔圍農父  
有喜吾民得共知

綵棚早已徹華紛卅六禾詞依舊聞何必金根重載耒  
所期惟實不惟文

用庾信詠畫屏風二十四首元韻即效其體並命

金廷標為圖各題其上

有序

原夫屏風之製蓋從斧宸之遺雲母真奢豈是清

防本色火齊縱異空勞靈贗重施便教圖以聖賢  
坐卧微嫌褻敬至若譜成列女顧視應致繩愆茲  
者十二橫陳欲加粉績爰以廿四分劃雅稱藻吟  
數典得開府之章選藝掄畫苑之彥夫其心營南  
國江關多懷忼慨手擅北周詞賦鮮與顏頤乃憑  
幾暇披尋式展芳辰茂對情如登覽詎矜極命山  
川趣洽泳游奚侈耽懷魚鳥格式採其恰當非以  
取人辭華戒彼纖穠亦因論世須信繪原後素聯

錦幘於重綈每思志在足言刻丹毫於寸晷但彼  
兩首殿詠各增十言茲予四韻終篇用成全體或  
同或異不即不離緬庾信當日催花番番遞進看  
廷標此時完璧落落無雙

翠管因風颺綺宴臨春開已喜重茵接又聞高駟來不  
惜朱顏酡還期白日迴遊入竹林逕罰依金谷杯

錦帆涇曲注太湖宛面前相將如花女並泛採香船思  
長還擬藕貌艷欲羞蓮千載懷吳宮其人然乎然

底稱江國春梅花與結鄰山中卧高士林下來美人逸  
韻盈玉靨淨香噴珠脣不藉高唐雨已為姑射神

由來武陵水萬古無定源絕塵斯得路混俗徒望門何  
須問賢主適可遊名園延賞青霞標憩息蒼松根

珠履陪芳醺金貂共勝遊蘭轂藉山竦椒酒酌淵流散  
步延曲榭歌聲出舞樓寧須羨七貴可以傲五侯

承陛磧礧接綵宇琳瑯連鳳笙擲銀簧鸞瑟調冰絃碧  
玉按歌至綠珠獻舞前持此太康心答彼方韶年

言裝百寶鞍用駕七香車馬既遊如龍人亦勝於花素  
飾謝錦繡淡掃辭鉛華輕風信解事飄將羅帶斜  
殊勝水晶域靜真蘂蘭林龍女獻明珠迦葉舞響琴既  
不見有法云何覓無心前生是妙光於斯薰習深

即樹以為柱掃葉以為堂鷓鴣初引杓鴛鴦復在梁畫  
出格定高詩成字亦香此中樂有餘何必登伎沐  
金風入閒庭忽見桐葉飄搥衣振纖手就砧曲細腰怨  
意既已切哀音那得調窮邊寄淒涼若年孤冶姚



賢才非鴻雁致之亦待羅祖遜聞雞舞甯戚扣牛歌曳  
裾上雲臺浮杯賞池荷上下懽交欣光輝一何多

雲霞光上搖樓臺影倒懸翠籠金城柳香分玉井蓮芳  
帶落鏡中長袖臨風前將謂太真遊孰知採菱船

阿閣構層峯上與青霄齊飛星或可撻流雲乃覺低蒙  
莊斯夢蝶維翁此祝雞誰能綰金章日聽曉烏啼

橙林游涉騁蘭澤周馳過宜罟密彌野旌旗紛映波弋  
羽落層雲釣鱗出深河原獸卒易致他他何足多

宣遊何處好未若鴻與壺王喬布芳筵方平攜行厨揚  
羽翹必雙流聲韻何孤快哉真仙人小矣文君壚

跨水作虹橋象則銀河長天上尚藉鵲人間自折楊帶  
結別前心衣分離後香千里共相見惟應明月光

所貴豪俠者趨急排難

去聲

開朱家德能飲劇孟人喜來

輕金重一諾投轄引千杯刺史值大窮須從後閣迴

栗姚成功還威名震遠戎居第雖不問賜賚胥從豐步  
光藏寶劍繁弱閒凋弓惟留一片石勒勲磧海中

驚飈無靜柯洪波無恬鱗蹀躞千里馬遨遊四海人三  
危迴陵漢九阿豪宴春簡子夢釣天小哉以傲秦

叢木成雲林素水盈璧池閑宮井綺軒華屋檐鐸吹異  
草鋪重茵若木交長枝可以青春延安知白日歌

叢林閑遠閣深山結小齋寒泉水供飲荒塗草半埋自  
足娛清音了當謝塵懷彥倫元史流終不與之偕

王孫去何久芳草春又菲魚弗溪前躍雁自天邊飛更  
誰達素書空思寄征衣鬱金堂上燕昨日却雙歸

昔日汾河曲弭楫橫東流榜人歌採菱淵客誇弄舟寧  
須下置戈誠然上有樓請看臨素節至今風帆浮

溫嶠玉鏡臺陶侃螺酒杯千秋佳話傳一夢浮雲開十  
二屏屈曲廿四圖往來乘興賡子山底論濟鹽梅

### 河南巡撫阿思哈奏報得雨

河南北雨亦同時

前因豫撫報雨之奏未至降旨馳問  
今據奏二三月間屢得甘霖與齊晉

二省所報日期大畧相同但其奏報稍遲察其分  
寸情形似未為深遠恐尚有望渾之處故復詢之致問

方稱奏報遲分寸較茲原畧欠麥秋又為

去聲

繫遐思

清暉閣漫題

山增光潤水澄泓春閣今年信副名祇覺補松重待長  
羞隨新藹共敷榮撫時有幸茲紓慮對景無端別縉情  
笑我六如觀未達那因靈運致高評

擢秀亭

一朵芙蓉上置亭歲粧高舉側瓏玲河陽藻鑑非虛擬  
應識人間有姓邢

題玉玲瓏館

綠瓊繞砌夏玲瓏  
真玉應勞追琢工  
光透一輪寧礙月  
聲敲六律雅宜風  
桃詩還為去聲思  
韓愈笛賦何須詠  
馬融  
靜對恰如叅半偈  
是無色色不空空

思永齋

韶春煦潤錦花舒  
為撫時和惕有餘  
卑室更因思禹拜  
倚衡擬欲學師書  
脩身敬奉三無本  
敘族寧忘一脈初  
綈几蠹窓增愧處  
聖人見說貴鶉居

綠帷舫

屋是沙棠舫樹為油綠帷手垂堪掬月目仰見翻漪流  
動中含靜難圖外有詩新蒲搖翠影訝似向前移

柏上藤

稚柏旁種藤藤蔓緣柏上柏遲藤生速雨露概竊享惜  
哉凌雲質束縛不得長移植去拘纏栽者賴培養子與  
戒有萌惕然發深想

松下草

掃雪堆松根本圖松得潤松潤故未形草長殊覺頓一

例鋪芊芊綠蔚高逾寸包荒既有容分膏復不恪休休  
賢大夫秦誓語猶信

題徐揚春遊圖

青山影在碧波鋪攜客扁舟興致殊過雨紅桃渾似醉  
迎風綠柳那勝扶雅宜應節分花盞耐可澆春載酒壚  
沿泛試詢何處所不名藥瀨定歌湖

賜賚哈薩克陪臣並攜遊御園詩以紀事

北戒遙踰萬里程陪臣久乃達都京

正月據報哈薩克  
使臣至邊因命留



火戲侍之故以路遠雖命馳驛速行猶至三月  
始到遂不復賜觀煙火祇按例賜食頒賞遣還  
鐙宵早

過九華照御苑方當百卉榮獻馬無過聊表情同舟真

是大聯情慣來可罷恩筵款

以彼歲有來使且未  
值銓節遂弗賜宴

厚往

仍教例費行

題金廷標戲嬰圖

曲檻碧池濱遊童作隊親雖嬉鮮人欲相近足天真豈  
弟胥同志崢嶸畢肖神如令詠碁局知孰句超倫

輕輿由萬泉莊遂至聖化寺禱興四首

疏治昆湖大局成迤西延及迤東營萬泉有事別淤塞  
相視無非為利耕

西園猶憶放煙蓬歲久河湮舟不通屈指閱年一十六

戊辰年有至聖化寺  
詩至今凡十六年矣未經行處忽應同

河西本藉昆明水潤野方方待插秧祇有河東藉泉溉  
為籌引導並潄巖

輕輿迤邐至祇園古栢龍慈護法門自是應忘一切處  
不堪今昔箇中論

虛靜齋

祇園前有讀書軒虛靜標楣

聖藻存久別無端驚往事每來輒復憶

深恩憑窓不改虛中趣坐席偏欣靜可論挑剗芟泥引

泉眼

聖化寺園近萬泉莊河中泉眼亦因歲久淤塞並命疏濬

為

去聲

穿新脈自溪源

西直門外

為脩

夏禴法宮旋徐步輕輿閱大田昨夜復經細雨濯近郊

生意總油然

二麥菁蔥蔚綠畦  
黍禾高下遍耕齊  
誠欣誠慮三時遠  
敢曰康年已露倪

題徐揚白鵬花卉

詭石清泉上  
嫣紅姹紫間  
三春正佳日  
一鳥立幽鵬  
不與繁華競  
愛看行止閑  
青蓮如鵲遇  
白璧定無慳

暮春靜怡軒

主靜戒從欲  
求怡在省躬  
幸惟時雨若  
佳與物春同  
鳥

語花香際淵  
蜎蜎中穆然  
常自歆敢此  
傲居崇

孟夏時享

太廟

日積月成嬾  
春徂夏復來  
追思心罔極

往聖治猶恢  
永念

勤民要斯誠  
卜世培繼繩  
誰是責敢不  
益欽哉

瀛臺禱詠

祭罷瀛臺駐  
翠鑾更衣之  
便遂傳餐乍  
聞柳處藏鶯

語真是花前走馬看今日非關懶問景

暢春因欲敬詢

安試耕地已新苗茁好在凌晨露氣溥

皇莊即景

前朝麥色綠鬚髻今日看來寸許增猶自顚期再雨好  
無非渴望有秋登

綠柳陰陰翠蹕移言旋為廬

起居咨禁中坐待臨

雩祭却恐

晨昏隔久遲

不堪遺事問春明勝國皇莊尚有名却為往來必經路

幾多憂喜驗農耕

綠稠齋即景

問誰設色能為爾繞屋綠雲逐日加正是清和即景句  
不妨遮得遠山斜

橫雲堂

詎因堂迴號橫雲霽日高峯孰與分還是英英就舍宇  
常教淦淦潤楣松寧欣黻黼宜題句希釀雲霞大利耘  
惟是祈農勤實政那如漢帝詔云云

題小有天園

疊石肖慧峯範錫寫壑庵

西湖小有天園舊名壑庵

分明靈窓北宛

似聖湖南縮遠以近取收大於小含既非仙術幻亦豈  
佛偈拈屨步丹崖側撫掌琴臺尖遊神無不可騁目還  
須兼過去成陳迹未來猶豫探奚如現前對前三與後



三

賦得溪月松風疊舊作韻

松風四季總相宜  
溪月三間常映楣  
云似畫時偏愜照  
欲吟詩際恰攄思

天行浩浩幾餘樂

聖仰循循從未悲  
雖曰瞠乎寧不懋  
況茲

精義示貽遺

題金廷標畫

碧巘吹簫坐真仙共作陪含風柏籟和隔谷嶺雲開心  
與音如水身將境絕埃虛無凝眺處疑有紫鸞來

首夏

雩祭齋居六韻

孟夏方過

祭

常雩又值齋還宮惟瑟祀遷座此澄懷琴瑟音全徹辛  
腥味並排紅粧辭苑杏綠葉張去聲庭槐勅政中和致甄

心肅靜皆晚來雲氣好便冀雨尤佳

細雨

四月初四日

細雨真旋飄入夜趣益靜漸添玉階聲不辨宮樹影春膏已頻霑繼澤實厚幸雖非渴望際於得寧辭屏因以驗人情損上道斯炳更餘遂徐止惜哉時弗永豈予志或矜愈用自深省

詠漢玉夔壁

雕鏤實非古夔龍蓋取方似聞拊石際應列赤刀旁蛻

蜺真如意球琳善葆光穆然疑待叩豈惜荅丁當

詣齋宮二首

萋芊綠草潤天街五輅儀鎧迺邈排不敢矯情為徹減

向年

常霄或值望雨率屏儀衛輿詣齋宮次日

致祭步行由齋宮詣

壇者有之今春倭需膏澤入

夏細雨恒霏不至待

澤乳亟故熙常行禮

中心仍願雨尤佳

辦香肅謁

皇穹宇旋步三成敬視

壇退即齋宮滋惕息歷年寅畏壁詩看

孟夏

常雩禮成述事

冬雪春膏實渥優臨

雩益切冀霑稠從來願好鮮心足亦曰祈

恩視已脩三獻登

觴通旭卉一表仰

幕望俞留角亢見矣農殷際協序猶翹

霑澤流

賦得垂雲助麥涼

得年字  
八韻

陽盛候方暖麥芄苗已芊宜涼性須察望熟意猶虔屢  
見雲垂宇為去聲希雨需天震寒雖未落穀鍵却頻懸聊  
喜陰常覆無妨風以宣露光灑浥葉晚氣颯浮稍蔽日  
驅炎遠臨秋蕩鬱便終當作霖好宵旰祈年

戲為水鳥窺魚圖並題以句

踈葦鷗鷺集輕鯈避沓如弋人猶未至樂得且驚魚  
一例臨淵羨無須結網羅獺豸曾有喻觸景會心多

鶴安齋放鶴再疊避暑山莊放鶴亭韻

壬午初放鶴自此每推挹靜宜例避暑業已從其好

去歲

駐香山靜宜園曹視避暑山莊  
例放鶴並疊舊韻作詩紀事

御園亦蓄鶴隔林偶聞

叫翦羽常懷苦充腹且謀樂意雖不肯住焉能巢父掉

因命概放之往事胥堪效既無繫體虞仍有清音報林

監乃竊歎官粟何由調胎仙飽與飢彼固弗能告是謂

免禽食

用意

而實減人稻

飼鶴者或竊饋今放之則不  
支鶴糴無由竊矣故戲及之

鶴安信鶴安大遂凌霞操

染霞樓

池上書樓號染霞憑窓攬景不須賒  
淺紅深碧連天淨  
秋夕春朝特地嘉何必棲哉非隱士  
已如餐矣即仙家  
飛魚疑在靈溪表輒欲吞之躍浪花

怡然書屋

好春條度箭催弦候入清和宜雨天  
問我邇來心所託  
即時膏霽始怡然

雲濤亭子



瀑水落斜平其高非尋丈滌蕩越有情奚必香鑪想亭  
子坐臨流雲濤名取象試看出岫容一例活潁沉嘉靈  
施其中醞釀理不爽

喜雨六韻

四月十  
二日

數日雲凝勢一時雨霈膏隔山巖罍歷拂水接波濤正  
是麥芒候大酬農父勞風停夕連霏雷作氣宣陶稍望  
澤隨渥益欽

天聽高坐看霑五寸方敢命蒼毫

雨中泛舟

達曙甘膏特渥優  
破辰霏勢未全收  
前庭咨政餘清暇  
遂冒空濛一放舟

接上淪漣徹下流  
水天一色滌雙眸  
湖中臺殿到方見  
訝似由拳煙雨樓

晚晴即景

雲徂螺黛濯遙岑  
快霽清霏倍起吟  
雨過百花添喜色  
夏初萬葉試新陰  
那無即景成鍊意  
但覺協時特遂心

為此翻增盛滿懼一篇無逸靜披尋

詠柴窑枕

導生稱未見

導生八牋述柴窑論製雖有青如天明如鏡之自然其自稱則云予未之見也安

卧此何來大輅椎輪溯青天明鏡開薦沐猶蟹爪藉席  
是龍材古望興遐想宵衣得好陪堅貞成秘賞苦窳漫  
嫌猜越器龜蒙詠方斯倍久哉

題徐揚畫二首

淺黃深紫鬪精神一樹花分一樹春寄語東風莫相妬

幾多早起凭去聲欄人

右春花

丁星秋色爛  
擬擬風在梢頭  
月在窓看到  
黃花香晚節  
便教庶子也心降

右秋卉

雨後昆明湖泛舟即景

昆明水未今年落  
雨後翻看數寸增  
四月清和入吟寫  
一天朗霽映空澄  
橋邊鷺羽騫蒲渚  
隄外魚鱗潤稻塍

對景能無心慶慰所虞慶慰近驕矜

鑑遠堂

水堂臨潁沆直與碧虛連千頃猶意度三壺祇目前淵  
涵自今古活潑任魚鳶若問源頭處涓涓在玉泉

澹會軒

四面昆明軒據中偶來早過舞雩風澹然會到無心處  
那數心如有鄭崇

題月波樓

波含月呈鏡月入波翻綺虛明若有無洞徹通表裏詩  
客難為吟禪子作麼指溪樓之所會故應恒如此從未  
夕來登想像而已矣

石丈亭

月波樓下放煙舫北岸維舟石丈亭湖翦昆明行似鏡  
山圍萬壽倚如屏適來已付東流去不住中叅亘古停  
何必上皇稱米癖一拳閱世鎮瓏玲

清琴峽

流泉出峽中

去聲

琴音却匪宮商與石金太古以來便有

此笑他師曠未曾尋

浮青榭

水榭向迎西西山入牖低浮來螺影動望去儵光迷樹  
色遙疑倒蒲叢近與齊澄虛更流宕妙處契天倪

題澄輝閣

山閣臨湖攬碧空波光峯態兩相融欲知雨後清和趣  
祇在澄輝鏡影中

雲繪軒

雨雲祇一色晴雲乃萬狀一色易為概萬狀莫可量既  
雨無餘戀宜晴快初放因風勢飄蕭散空形蕩漾妙繪  
鮮比倫誰能摹筆仗氣韻生動間憑軒意為暢設遇望  
霖時顧惜正惆悵

醫卜星相四詠

醫

四時六氣暑寒侵頤象分明勝下鍼盡信徒成學仙癖



概除恐拂育民心曾誰飲愈猶橘井莫見春芳鎮杏林  
設曰迴生真有術首應和鵲尚存今

卜

熟灼曾聞太卜能六龜三兆祇虛稱大都趨避情斯甚  
遂致吉凶術者憑蔽志不疑寧復藉禍淫福善有明徵  
靈焦若果先知諗曳尾塗中自未曾

星

義和本意授民時拘者多牽禁忌為遂致王良占馬策

徒稱李邵拍倅馳幸災或蹈國章犯設教曾聞神道施  
先事要當盡勤敬便真懸象也應遲

相

有心無相相隨心非相荀卿冠古今武女鳳頸平聲福豈

久楊男龍額禍重平聲尋指形論命言多幻作善降祥理

足譏眸子不能掩其惡量材乃藉一詳斟

月露風雲四詠

月

三千世界有三千曰不圓然本體圓警闕示冲惟懿德  
應潮離畢協神權春江花夜誠小矣桂樹霓裳實誕焉  
設以箕疇省卿士吾殷朗照在真賢

露


地氣蒸為天露滋瀼瀼澤物本無私被蘭在棘寧為擇  
降竹披松亦待時虛受允應思助海飾祥何必詡如脂  
毛詩若詠薰葭采水渙方懷所謂伊

風

節政猶應理八風大都所遇致難同  
送帆順逆殊憎喜  
徵德時恒別聖蒙異域占之為向背  
騷人諷以較雌雄  
春園纔喜擘千紫轉瞬還看落萬紅

雲

觸石浮天聚復分非煙非霧蔚氤氲  
紀官書瑞何容意  
垂雨放暘宣據勲絕迹行空符妙道  
無心出岫是佳文  
連篇積案弗關要李諤箴言迴軼羣



御製詩三集卷三十八

欽定四庫全書

集部

御製詩三集卷

三十九  
四十

詳校官侍郎<sub>臣</sub>謝墉

助教<sub>臣</sub>常循覆勘

總校官編修<sub>臣</sub>王燕緒

校對官助教<sub>臣</sub>胡子襄

謄錄貢生<sub>臣</sub>畢所諧

欽定四庫全書

御製詩三集卷三十九

古今體九十八首

甲申五

萬方安和九詠

有序

圓明園西首於湖上築室作卍字形萬方安和其  
總名也為四十景之一迴廊面面各標勝概曲折  
向背輒復不同就四言標榜者得景凡九皆我

皇者御筆也其二三言者尚不在此數夫室一區耳而

為景不可勝計豈誠點綴之擅天巧哉於以見  
聖人之會心無窮又以見

聖人之制度有節是予小子所當敬法也各成近體以  
誌遐思

萬方安和

肯構見於

牆安和頤萬方十三年宵旰千百載金湯

卓爾吾由未瞠乎敢不懽明堂設稽古左个在青陽

是額



懸於正字東南方為向  
陽正室即以此統名之

佳氣迎人

向西旋轉北步近室之中東接函關氣南來虞舜風迎  
人仰

霽色愛物體

淵衷夫子得於五溫良象獨崇

四方寧靜

四面盡通廊中間正且方周旋皆中

去聲矩鎮靜似持綱

憶

昔求安志於今豈敢忘要惟祈歲稔民庶共平康

碧溪一帶

東向俯長溪溪煙入牖低氣蒸銀沆瀣界是碧玻璃秋  
月蘆花渚春風柳線隄於何識常住翹首睇

璇題

山水清音

山峙水常流清音

樂志投簣從風處峭響自石邊道搏戛寧須藉宮商得  
概不

崇情契仁知然豈忘先憂

神洲三島

室中亦有樓

仙榜揭神洲雲自棟梁寫風從窓戶流簫曾聞子晉袖  
可挹浮邱那似劉家帝空勞海上舟

高山流水

疏泉還疊石位置儼天然境與塵凡隔景供軒榭全崇  
高標嶺岫流動帶淪連那數期牙奏

心存解愠絃

枕流漱石

枕漱高人操因差轉得奇洗流耳雅合礪石齒偏宜易  
象占肥遯詩風詠樂飢

渴賢別有託駒谷繾

殷思

洞天深處

武夷窮九曲方識洞天佳  
彷彿虹橋架依稀毛竹排  
益深斯致遠惟靜與為諧  
欲會

凝神抱緣澄出治懷

題鄒一桂花卉十六種

桃

無分南北報春來二月東  
風霞暈顙斜倚曲池冒輕  
雪知他吳望傲江梅

梨

通體玲瓏白玉為邱家左掖有佳詞似嫌桃李特紅艷  
故出水姿以間之

玉蘭

琳塔宮堯那計層前身應是水雲僧年來含韻堂中坐  
沃盡芳心獨爾能

杏

淡紅五出豈輸梅所少幽香撲鼻來莫漫臨風太酣放

一年春祇一迴開

薔薇

上品從來稱淡黃  
開花易盛久難當  
休言有刺不堪把  
衛足應同譏鮑莊

紫藤

葉尊尊護花嫋嫋無力  
春風例倩扶  
近日却看成獨樹  
庸中佼佼謂斯乎

牡丹

夏前春後每云仍衣白山人衣紫僧富貴問宜作麼看  
相將圖裏悟南能

蘭

但著疎花纈折枝不教長葉間芳蕤畫家別裁去聲應須  
識為寫騷人級佩時

蜀葵

春芳謝矣夏芳妍振藻偏宜午砌前  
鮫客訝如木槿似  
吳人喜並海榴燃



石榴

誰識紅華絳采數能囊  
白色水晶珠  
蜀葵幾朵芳姿映  
合喚天中輯瑞圖

芙蓉

絕勝丰姿照素暉  
誰攜種自錦城歸  
翩來翡翠窺花朵  
比並穠纖不忍飛

桂

云是花原不是花  
綠瓊葉裏綴丹砂  
輕綃恠底神傳獨

寫照伊人本一家

菊

周書惟載有黃華後世侵尋五色誇自是椎輪生大輅  
濫觴寧獨傲霜花

翦秋羅

女夷應欲試新衣打疊輕羅翦薄緋此日班姬賦扇罷  
坐看秋色漢宮歸

梅

冬朶如為衆芳殿春英又占百花先貞元一氣含元化  
那論今年與去年

### 山茶

何曾林下忘京華春帖呈來色色嘉

是圖皆一桂  
迎年來獻者

應似

姑蘇范成大仍從掌故問山茶

即用成大句

### 樹根榻歌

蒼根霄壑昔屈盤建木大椿曾齊年蔽虧魄淵凌旻煙  
吳質試斧忽兀然翻教閱世全其天公輸不敢繩墨牽

其堅如石香曲拳玲瓏萬竅非轂鑽坐之望古卧之安  
宣尼因見公旦顏小哉蕃為孺子懸膝誰敢容腹敢坦  
叶琉璃翡翠七寶欄自拜下風羞華妍肅穆如見羲皇  
前宵衣旰食吾勉旃匡牀妥帖非所便擬付莊生夢蝶  
眠

安瀾園十詠

園別  
有記

荪經館

入園門樸室三間背倚峯屏右臨池鏡顏曰荪經

不減陳氏藏書樓也

絀年默記復潛神那擬班家戲  
荅賓枕藉亦非耽博古  
欲推實政善安民

四宜書屋

為圓明園四十景之一因歲久脩葺略為更置宛  
然鹽官安瀾園

皇考御額在焉

春夏秋冬無不宜所宜樂總讀書時何須千里鹽官憶

即景吾方勉近思

無邊風月之閣

界域有邊風月則無邊輕拂朗照中吾不知為在

御園在海寧矣

月藉清風搖籟影風邀明月奏琅音三千界外三千界  
蹤跡無邊那可尋

涵秋堂

西臨長河波光翻影動搖楣栢間坐此可悟南華

堂襟西向額涵秋水相生厥有由不論何時此偶坐  
總如爽氣面前浮

遠秀山房

房築假山上而遠納西山秀色所謂全賓全主

近低微遠見遙高峯側嶺橫翠莫韜此即泰山一指喻

重華明目為去聲斯勞

染霞樓

名曰染霞而實近水每來常愛坐此

池上層樓敞紫甍水中樓影亦含清  
自知不是餐霞侶  
孤負橫楣浪與名

綠帷舫

曲廊宛轉構水上偶一憑檻煙水在襟袖間何必

真舫

臨水何妨即舫之成陰樹是綠油帷了無逐浪為行止  
那有隨風作轉移

飛睇亭



一峯秀拔亭據其上每當縱望園外稻塍千頃皆  
在目中直與農夫田父共較雨量晴矣

低俯鱗塍迴據山犁雲鋤雨繪民艱問應飛睇於何處  
只在隅園咫尺間

煙月清真樓

四宜書屋之後延樓高敞不施厨障為納煙月契  
神處又似在陳氏竹堂月閣間

一輪古月真無匹幾縷空煙清莫加朗照輕籠寥廓表

便成句亦謝雕華

采芳洲

是芳皆可采不必學楚騷  
注意蘭荃

澄波之上敞軒臨  
菽菽芊芊蒲碧潯  
是藥文殊胥命采  
此芳寧向楚騷尋

阿克蘇桑椹熟因成八韻詠事

嫩條阿克蘇

讀如素音

初移結實仍當夏五時  
食黹殊方還

獻黹曰梔爾雅詎為梔祇傳烏白原恒有訝見丹紅實

出奇詭異寧同尺以計

神異經東方有桑椹長三尺五寸

碩魁真比寸

猶欺迎眸磊落誠軒意可口甘芳熟朶頤鮮進

鳳闈欣遠奠熟頌鷺序沐恩滋銜殘漫擬櫻桃誚解熱

奚勞甘蔗隨分賜莫將容易看洸洸曾用濟王師

我師平回

部時所過桑椹豐穰甘美遠踰腹地營中恒佐軍食士卒采摘風戾蕪足資糗糒之儲至今傳為盛事

直隸總督方觀承奏報保陽得雨

四月廿九日

自春徂首夏今歲雨誠時邇來將半月未雨騰炎曦情知可延待不無企澤私前朝生油雲西南勢更彌入夕

纔微灑曾未二指滋翼日接奏章霑膏三寸垂一慰一  
轉望怍然心弗怡

夜雨

五月初三日

傍晚雲容條聚散中宵雨響間去聲喧停雖非渴望心常

企那得酣眠耳切聽入夏禾苗正鋪隴將秋麥穗已抽  
町朝來土潤仍無寸乍覺殷懷為不寧

端陽日奉

皇太后觀龍舟

麥臨芒種蔚禾田應節宜侍

糴筵沅浦寧須問芳芷湯泉恰已貢新蓮欣陪

鳳扇如恒月訝指龍舟忽隔年蓬島瑤臺

在福海中為圓明園四十

景之一歲歲於此奉

皇太后觀龍舟

仙樂奏董雙成至按冰絃

### 漫題三首

午日承

歡寧可闢西宮新戚祗宜忘

時有忻貴妃仙逝事甫過輟朝五日之期

無悰

未免猶些子懶看樹塗進艾囊

作隊龍舟銀浦邊欣來攬景轉怵然八人妒節臨期罷

去歲五月初四日園中有回祿  
事未得奉 皇太后賞節

迴憶堂堂閱一年

成敗憂欣底是真籍無緣者有誰因了當諸慮都捐棄  
一意祈年福萬民

題王蒙少白雲松圖

太華寵從少白連蒼松盤自赫胥年後生笑視金城柳  
契友恒依玉井蓮塢壘有根皆倒辟塘撐無樹不叅天  
山樵那擬試剛斧鎮坐茅菴聽謬然

循環曲

鼓以雷霆潤風雨日月運行迭寒暑高岸為谷深谷陵  
無往不復陂不平邱陵為牡川谷牝積德積形經緯引  
往者屈也來者信乾坤闔闢成鬼神物損於彼盈於此  
一消一息無停理峻高者隕茂葉摧叶新穀既熟舊穀  
虧帝降而王王降霸昊歲不及羲年化傾者覆之栽者  
培苞桑保泰其難哉十目所視十手拍千里應違亶速  
矣

湯泉荷花

翻盡花疏曾未見湯泉仲夏芰荷榮每當五日臨風綻  
早有中人應節呈葉亦擎圓那識暑朵雖嬌小却饒清  
孔門設擬多君子欲速還同闢黨成

陣雨

五月初  
八日

午熱忽增劇飛空陣雨來落湖原噴沫隔嶺已聞雷將  
謂優霑矣其如旋止哉晚春雲復聚佇望獨徘徊

夜雨



午雨旋止已孤望晚雲重聚望復紫自春徂夏真時矣  
惟時益深冀蜀情破旬邇未霑優澤每纔小霰風隨行  
麥當芒種粒欲實其餘秋種皆始萌繼前利後正此際  
人曰無妨我早憚傍夕霏微乍絲纒入夜霑霑因盆傾  
簷泉亂落砌水積衾寒陡切窓鐙明情知大田歌既渥  
高枕方得一夢成夢醒霰霰猶未已宵衣颯景披軒楹

小愁意外輒大慰

今歲春雨甚渥首夏麥苗長發方霑  
滋溉四月十二日即得甘澍優霑小

滿以來又當含漿結實之候而秋種亦正在抽萌比日  
雖間得陣雨猶未深透今月八日入夜時霖暢沛叨

賜逾涯  
曷勝感荷

惟深敬畏戒滿盈

覺生寺

侵晨奠靜安

莊名

返蹕禮梅檀結習鎮如此覺生良已難

聊因甘雨足稍為

去聲

悵懷寬調御無憂喜金剛四句觀

復雨

夜雨朝晴晴復陰西南雲旋

去聲

送嘉霖綢繆愷澤有如

此怵惕慰懷轉不禁新種樹皆濯綠色斜抽蕉自響繁

音那因喜近遺遥想山左其霑更企心

曉晴泛舟

曉晴真愜意  
既雨弗櫻情  
蘭舫聊堪放  
紗衣乃怯輕  
爽  
宜熟麥候茂  
愛看禾行柳  
岸權教泊新  
蟬乍試聲

昆明湖上

今年湖水未曾消  
雨後偏宜盪畫橈  
翻覺漲痕增鴈齒  
却教緩緩過虹橋

西山屏展玉芙蓉  
倒影波心翠越濃  
的是聖湖真面目  
欠惟南北兩高峯

種齊夏稻閒眠牀縵得新絲罷績蠶桑亭橋邊鳴桂棹  
溪村何異過江南

一片湖光接霽光風來水面送微涼怡情都為雨暘若  
陡慮登秋日正長

戲題聽鸛館

石岸艤煙舫山齋偶憩停雨餘風送爽夏仲樹連青何  
必尋音調端宜泯色形黃鸝都轉罷笑我始來聽

嘉蔭軒

山北復溪南倚巖屋架三蔚前兩古樹嘉蔭一庭含秀  
潤叢承露空濛影落潭問誰知至樂元亮雅稱諳

雲松巢

新松欣與舊松齊  
臥棟巢雲靄靄低  
箇裏問誰宜偃仰  
曰非齧缺合王倪

題無盡意軒

意靜屈而寤意動信平聲以引屈信互相感是謂意無盡

於軒則何有落落名象泯面水鏡光遙背山屏翠近寧

渠不可概底識其中蘊曰予所取方蓋在塵民隱

瑩心堂口號

位置軒堂儘可觀那曾據座久盤桓便宜特是供詩料  
每過輒吟數首安

題金廷標羣嬰鬪草圖

垂楊竒石草芊萋紅綠傾籃鬪賈低赤子之心愛生意  
名言那識有濂溪

泛月

泛月雅宜湖御園湖實廣泛月又宜夏夏夕無乘爽晴  
雨邇來時適可蘭舟盪弦後輪就盈望前魄早上載此  
光徘徊泛彼波潏潏虛明澄澈間廓然涵萬象此景隔  
去年去年不堪想

反韋應物采玉行即用其韻二首

有序

應物言徵丁采谿玉以致獨婦餉糧而哭蓋刺時  
也然藍谿本不出玉何由而采詩人徒欲其言之  
行而不論事之虛實率如此故反其作得二章前

章反古後章詠今

今古此藍谿不聞出良玉采者向絕嶺求之草莽宿

玉生

於河亦非絕嶺所宜有也

蒼頡制字後故應鬼夜哭

和闐供歲貢玉河每撈玉計役賦之糧飽餐而晏宿瑾

瑜自特達那待秦庭哭

玉出於河五色皆備本不待剖璞而後知則卞和三則之說想

亦出於附會不實不然今之貢玉多矣何無一在璞待剖此近而可徵者

周之冤松陰雙鶴

求魚緣木在松陰報德無端說負金風雨中如蓑笠立



却疑皮與陸相尋

夏日遊玉泉山

仲春一過太匆匆夏五重來景不同  
夾路麥禾足甘雨繞階花木暢薰風  
虛軒紗牖山遙對別浦蘭舟水曲通  
塔影定光無去住仰瞻猶矗翠雲叢

內朗室

置鐙於籠間外朗由內朗虛室中生白  
廓然涵萬象偶來憑几席便與摩帷幌  
有照都歸靜無容不以廣借問

於何知是想非非想

瓶得齋

得瓶今非瓶山間復水間  
浸來澄影靜映去曉嵐閒  
名象合胥泯筦倪定不慳  
源頭即景句視此瀉潺湲

登麗矚軒放歌

雨後曉涼宜陟山輕輿緣磴聊躋攀  
十步一憩何不可念勞每於自逸間  
麗矚高軒亦已到題詩四壁從吾好  
就中祈年之意多遊目暢情寧敢傲  
石間種柏已成科

拱把綠意殊婆娑會似嵩陽益宜撫

嵩陽書院有漢  
柏廵豫時見之失

笑非癡之謂何

弄珠室

石洞臨碧溪盤膝坐調御溪泉亂噴沫弄珠不計數詎  
是蛟人呈蓋自龍女賦印心皆摩尼濟物胥甘露夜深  
聽說法似欲求濟度度自在汝邊於何置思慮

靜益書屋口號

幽清書屋憩遊宜欲詠常欣硯匣隨設擬循名還致問

既云靜矣益奚為

題練影堂

玉泉趵突自湖中飛瀑山西落碧空雖是人為半因事

藉他地利倍成功

碧雲寺香山諸泉出山便伏流不見其地本高命築隄引至玉泉山西澮

然出峽自成飛瀑

訛傳似證春明誤

舊傳玉泉垂虹為燕山八景之一夫趵突焉得有垂

虹態向曾有詩證之

豪詠那同太白雄不識溪堂將練影由來心

與境相融

泛舟至影湖樓禱詠四絕句

石築園牆即水關進船放牖片時間影湖樓又經年別  
攬勝端因雨後閒

牆內水高牆外低建瓴舟勢迅飛蹄玉峯塔一迴頭望  
綠錦雲端星漢齊

鳴榔片刻到湖心拾級登樓具四臨一例搜吟異今昨  
山還圍繞水還深

來往無舟路不通蓬萊樓閣海當中求仙即此非難事  
吹去那愁舶棹風

界湖樓

西水源為東水委影湖帆至界湖樓下登曲岸疑入畫  
欲返長河更換舟几席雖清曾幾坐湖山信美詎淹留  
潯言孤彼春光度猶覺慙斯半日遊

詠蜩

蜩與蟬同類憑人浪與名或因節所限

詩五月  
鳴蜩

一任地

相爭

爾雅注方  
語不同

雙翼不勝薄渾身都是清寧無知汝者

聒耳鎮旁鳴

討源書屋對雨

五月十六日

渥雨剛欣數日晴  
朝來解作應時行  
詢

安退憩資搜詠視  
事疇咨慰利耕乍  
見庭凹起泡影更

聞牆口落泉聲片  
時西北旋開朗宜  
麥宜禾總愜情

是時

麥將收宜晴禾初苗宜  
雨雨而即晴實愜農望

喬仲常煮茶圖

儒服黃冠緇者流  
蕉陰石側共清遊  
何須蹊徑分同異

瀟滌惟消茗一甌

黃鴨

黃鴨本水鳥或曰鴛鴦族白頂身披金黑足翅染綠從  
不分匹配寧須誓背腹於何獲其一獻以雕籠獨垂頭  
啄稻梁故知非所欲解籠命放之御湖任飛宿無何其  
匹來雙雙合比目飛亦不遠去宿亦仍相逐戢翼戒前  
離盟心期後篤願告畢羅人還應懷並育

西直門外

澤祀將臨又進宮輿蘭埒拂微風麥登秋際黍苗美



憑覽於斯一慰衷

翠穎珠流曉露瀼  
菜畦瓜架靄烟光  
為欣時下民情豫  
却慮秋成日正長

齋居

仲夏晝正長日出東北  
天披衣起問政敢耽晚涼  
眠視事既早矣先午亦畢  
旃得暇以為愧朶殿披書  
篇書篇豈易披穆然對聖  
賢設為華藻資匪益乃害  
焉

碧玉盤謠疊舊作韻

有序

癸未歲伊犁守臣驛致墾田所獲碧玉盃一惜其  
缺損因就材琢以葵形賦詩誌事今就和闡貢玉  
中復成此盃尺度色澤與前盃宛然無別然彼幾  
阮於兵燹之餘此久隱於山澤之畔夷險殊塗同  
登清燕仍用前韻成篇以誌有美必合云爾

玉不自言艱致尺衛拉所有守世澤磕損改作中

去聲規

則形肖葵花非楚石惜其獨置於筍席和闡六城久休  
息產玉歲貢春秋易更番驛遞盛以草相材琢磨工豈

惜閱時成盥等垂棘舊器既免播越院新器更慶良朋  
獲物必有偶如鳥翼連玕華美昭良式承惟檀几不斂  
側疊韻載詠誌合德匪誇我武揚疏勒

夏至

方澤禮成述事

權輿四序運灰甬北至南訛日永中應候脩

禋期敢後

父天

母地敬宜同六升進退禮惟秩

是祭凡六次升壇

八奏悠揚

樂正融無事必躬欽

奠玉詎因歲久懈吾衷

適性居

假山翠邏復青環曲徑深通綠柳關剛擬散懷得佳處  
却看適性額其間孔門相近誠堪味程氏受中不我慳  
安逸設將徇己欲毫釐千里大應閑

解慍書屋

書屋樾涼多偏宜夏節過問名惟鮮愠撫序正南訛匪  
悅一躬適所期萬姓和儀型在心法詎曰五絃歌

咀華室

十笏居然容膝寬古香日夕共盤桓咀華設問循名義  
吾亦因之欲識韓

曠然閣

室裏那知更有樓拾梯登喜俯滄洲春秋風月因心會  
上下水天與目謀籟爽每從窓處度波光常向座間浮

曠然設問相宜句順應惟茲任物酬

靜香館

迴廊多曲折閒館致幽深藥蕊飄清馥桐柯布翠陰魚  
飛常入鏡蟬韻自調琴嗅復翳根靜云香何處尋

賦得翠影紅陰

繁紅深翠候放影佈陰時香每因風散色惟沐雨滋燕  
將穿處喜蝶欲夢還疑淡蕩渾無定沖融別有宜開如  
承葉態覆似護花姿要并難為畫飛卿始合詩入神誰

可捉契妙那容思真幻幻真際羣芳說偈奇

觀皮日休集因作

襄陽間氣自標擬隱居鹿門期不仕天隨子與相倡和  
二十八卷詞誠美居然進士登咸通幕府朝衙已委靡  
何至學士署黃巢為去聲作讖詞翻害已進退無據羞斯  
文然似斯者不少矣吁嗟末路其誠難適百里半九十  
里

再題高克恭夜山圖

昧茫那辨峯千疊空曠惟懸月一輪正是尚書傳別法  
不分明處有精神

白海青歌

有序

霍罕汗額爾得尼嚮風款塞獻白海青一重數譯  
而達京師所謂積雪全映飛花碎點信鷲鳥之奇  
特者也金元以來賦海青者率目為海東之產故  
有扶餘東溟之詠今林丞所掌金眸玉爪迥異凡  
材者蓋習見習聞茲霍罕地在玉門萬里外於古



為大荒以西順秋氣而應瑤光其精明俊竦為金  
方之英固宜既命郎世寧繪圖狀其神貌更賦七  
言長句以紀其實匪若天馬興歌極鋪張誇詡之  
為亦如旅藝底貢深持盈慎德之思耳

海東翻飛下海西

海青本名  
海東青

變青為白斯更奇東木西

金五行配各從其色非人為霍罕部在天山右其汗名  
額爾得尼攄誠通貢致方物犍來鷺鳥隨譯覬黃睛玉  
爪氣雋逸素翹皓羽光陸離籠育林監昭遠服為之造

屋誠無稽

見元史

豪騰雄擊都弗藉純精朗潔覃宜題瑞

圖越裳漫比擬寫形傳實寧可遺寫形傳實寧可遺久

安永奠殷吾思

荷浦謠

薰風入池池水暖新荷一夜開  
宛宛錦颺漾噴紅妝  
珠露離離擎綠繖迴首湯泉芳欲闌  
小遲消得長鮮妍  
十分春始三分矣勸君漫放採蓮船  
採蓮聞說江南好  
吳娘越娃鬪窈窕誰知霞影翠陰中人  
花都向秋光老

晚來寶月琳塘披清葩嫩蕊羣收姿

荷見月而收見日而放故梵經目荷

為向日

鵲腸纖縷何分別物性可知不可知蓮葉東西魚

寂樂此景隔年却如昨

### 漢王穀壁

好中規於內肉倍好於外故是子所執何人更何代庇  
陰贊農功威儀輯王會渾無剛刻迹粟粒自擁蒼巖想  
千年上鼓鐘斯紹介致顯或因幽以樸得不壞穀寶那  
厭多物玩亦宜戒

麥熟再疊杜甫送高三十五書記詩韻

二麥復連熟

去歲二麥大熟今歲較去歲尤佳

天恩惠嘉師屢豐接青黃此豈人力為山右及河南亦  
頻封奏飛均稱八九分大悅農家兒所廩惟齊東頗有  
望雨辭收麥固無礙禾苗槁炎威宣命問近况霑澤願

早知霑澤尚未知徒聞祈雨儀

東省霑澤未周降旨詢問撫臣尚未據報普徧

所奏摺內惟稱率屬設壇虔誠祈禱

幕府有司官步禱馳節麾似此勤民

瘼亦足慰我思君臣詎殊道同希暘雨時然予所希廣

寥海無邊涯一飽胥為慶一飢胥為悲即今伊犁疆場  
畚畚鍾隨携眷如居家書記應忘歸觸緒識文視信筆  
賡杜詩

御製詩三集卷三十九